



Hans Enoksen
Inatsisartunut ilaasortaq
Naleraq
inatsisartut@ina.alla.gl

Mittarfimmur akitsuutit pillugit § 37 naapertorlugu apeqquteqaammur 2024-083- imur akissut

13-05-2024
Suliap nr.:2024-9052
ID. nr. 92160287

Asasara Hans

Mittarfinnur akitsuutit pillugit Inatsisartut Suleriaasianni § 37 naapertorlugu Naalakkersuisunur apeqquteqarputit. Apeqqutitit uannur akisassanngorlugit innersuunneqarput. Apeqqutitit ataasiakkaarlugit matuma kinguliani issuarneqarput, akissuteqaat kingornanniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

1. Nuummi Ilulissanilu mittarfissuit atuutilerpata Kangerlussuarmut Air Greenland timmisartorsua mittalerpat, Air Greenland mittarfimmur atuinerminik nunami allamiunur akit atuutsinneqartussat assigalugit akiliisassaava?

Akissut: Greenland Airports-imiit ilanngussassanik piniartoqarpoq, taannalu makkuninnga paasissutissiivoq:

"Mittarfimmur akitsuutit atugassarititaasullu Air Greenlandimur atuuttut, timmisartuutileqatigiiffinnur allanut, mittarfinnik Greenland Airports-imit pigineqartunik atuisunur, aamma atuutissapput.

Mittarfinnur akigititat atugassarititaasullu Greenland Airports-ip nittartagaani pissarsiarineqarsinnaassapput."

2. Kangerlussuarmut timmisartorsuit namminneq akiliillutik pisalerunik qanoq annertutigisumik akiluteqartassappat?

Akissut: Greenland Airports-imiit ilanngussassanik piniartoqarpoq, taannalu makkuninnga paasissutissiivoq:

"Timmisartut siunissami Kangerlussuarmi mittartussat, pingaartumik tassaassasut timmisartut nunanit allaneersut, Greenland Airports-ip naatsorsuutigaa. Timmisartut pingaartumik attartorluni angallannermik aammalu angallavinni angallannermiinngitsoq, aallaaveqartussaapput. Timmisartut attartukkat taakkua amerlanertigut kingusissorujussuakkut tikinnissartik inniminnertarpaat, aammalu pisariaqartitaat assigiinngitsuusarput.

Mittarfinnur akigititat atugassarititaasullu Greenland Airports-ip nittartagaani pissarsiarineqarsinnaassapput."

3. Nunami allammiut timmisartui Ilulissanut Nuummullu mittartussat qanoq akiliisineqartassappat?

Akissut: Greenland Airports-imiit ilanngussassanik piniartoqarpoq, taannalu makkuninnga paasissutissiivoq:

"Timmisartuutileqatigiiffiit Ilulissani Nuummilu minnerminnut aallarnerminnullu atatillugu immikkut sullissinernik assigiinngitsunik pisisarnissaat periarfissaqarpoq. Tamatumunnga akigitat timmisartut pisiaqartitaat, timmisartut angissusaat ilaasullu amerlassusaat apequtaallutik assigiinngitsuussapput.

Mittarfinnut akigitat atugassarititaasullu Greenland Airports-ip nittartagaani pissarsiarineqarsinnaassapput."

4. Qanga kikkullu aalajangeramikku Kangerlussuaq ilaasunik angallassivitut nunatta karsianik aningaasalersorneqassanngitsoq, kikkullu pisinnaatikkamikkitt naalackersuisut taamaaliornissaannut?

Akissut: Kangerlussuarmut, Kangerlussuarmiillu ilaasunik angallassisoqartarnissaa pillugu aalajangiisoqarnikuunngilaq.

5. 100-miliunit qulaallugit aningaasalersuisoqassanngitsoq Naalackersuisut nalunaarmata paaserusunnarpoq kikkunnik piginnaatitaallutik aningaasalersuinissamik unititsippat?

Akissut: Mittarfeqarfiit pillugu Inatsisartut inatsisaat 2022-mi ukiaanerani ataatsimiinnermi (UKA2022/125) Inatsisartut akueraat aammalu Aningaasaqarnermut Akileraartarnermullu Ataatsimiititaliap Mittarfeqarfinnut kiffartuunneqarnissamut isumaqatigiissut akueralugu.

Mittarfeqarfiit pillugu Inatsisartut inatsisaannut siunnersuummut nassuiaatini (UKA2022/125) makkua allassimapput:

"Imarpik qulaallugu timmisartuussinermut mittarfittaassat atulereerpata Mittarfeqarfiit isertitarisaraluani isertittarunnaarpagit, tapiissutissatut pisiaqartinneqartoq ukiumut 105 mio. koruuninut qaffanneqassaaq (ukiumi akit nalingat aalajangerneqassaaq). Nunap immikkoortortaanni tamani mittarfinnik kiisalu qulimiguulinnut mittarfinnik ingerlatsinermut, aserfallatsaaliinermut, aserfallatsaaliinermilu kinguaattoorutinut aningaasat tunngassuteqarput. Assersuutigalugu Dash-8 Q200-nik timmisartuussisarlu Kangerlussuaq nunap immikkoortortaani mittarfittut ingerlatiinnarneqarluni periarfissaasumi, tapiissutissatut pisiaqartinneqartuni aallaavigineqarpoq Illersornissaqarfiup pisiaqartitai naammassiumallugit, inuinnarnillu timmisartuussinermut atorineqarsinnaatillugu Kangerlussuaq takinerusumik mittarfeqarluni ingerlatiinnarneqassasoq aalajangerneqassagaluarpat, kiffartuussinissamik isumaqatigiissut ukiumut 158 mio. koruunit missaannik aningaasartaqassaaq.

Kangerlussuarmik ingerlatsinermut aningaasartuutit ilai, kiffartuussinissamik isumaqatigiissuteqarnikkut Illersornissaqarfiup matussusertassagai naatsorsuutigineqarpoq, qanorli annertutigisumik akiliuteqartassanersoq, massakkut isumaqatiginninniarnermi angusassat apeqqutaassapput.

Nassuiaat: Imapik qulaallugu inuinnarnik timmisartuussisarnermi Kangerlussuup mittarfittut ingerlaannarnissaani periarfissaasumi tapiissutissatut pisariaqartinneqartussat eqqarsaatigalugit illersornissaqarfiup Kangerlussuarmik atuiinnarnissaa pillugu illersornissaqarfimmut isumaqatiginninniarnermi angusassat apeqqutaassapput. Kiffartuussinissamik isumaqatigiissuteqarnikkut illersornissaqarfiup aningaasartuutit ilai matussusertassagai isumaqatigiissutigineqarpoq, qanorli annertutigisumik akiliuteqartassanersoq, isumaqatiginninniarnermi angusassat apeqqutaassapput. (qupp. 26-28)"

6. Aalajangersaarnermi kikkut pisinnaatitsissutaat Naalackersuisunik atorreqarpa, aamma sumi paasissutissat takuneqarsinnaappat Naalackersuisunillu aalajangersaanermi tunngavigineqartut suuppat?


Akissut: Mittarfeqarfiit A/S pillugu Inatsisartut inatsisaata akuerineqarnerani (UKA2022/125) Mittarfeqarfiit A/S-imut ingerlatsinissamut tapiissutit qaffannissaannut Inatsisartut Naalackersuisunut piginnaatitsipput, tassanilu Kangerlussuarmi mittarfiup ingerlanneqarnera ilaavoq.

7. Kangerlussuarmi mittarfissuup inuiaqatigiit aningaasalersuinerisa unitsinnerannik Qeqqata kommunia ilisimatinneqarpaa?

Akissut: Kangerlussuarmi mittarfimmut aningaasalersuineq unitsinneqanngilaq, taamaattumik Qeqqata Kommunia innuttaasuilu tamanna pillugu ilisimatinneqarsinnaanngillat.

Neriutigaara matuma siuliani allassimasuni apeqqutitit akineqarsimassasut.

Inussiarnersumik inuulluaqqusillunga



Hans Peter Poulsen